

Tartara, de pœnis fratresque trahantur eorum,
 Sitque beatus homo, qui pro conflictibus istis
 Occumbet, pœnas nequeat sentire gehennæ;
 Non aliquis dæmon de crimine sive reatu
 Audeat ante Deum sibi conflictum generare.
 Gaudia dentur ei, quæ fini subdita non sunt,
 Quæ servare solet, vel quæ præbere beatis
 Splendor Sanctorum, pia lux, & gloria Jesus.
 Non dubitent hii quos fuerit regina polorum
 Cum Nato comitata suo pugnare; Deus nam
 Qui pia causa fuit, pro qua vos arma tulistis,
 Adjutor fiet vobis, terrebit & hostes,
 Et conculcabit divina potentia vestros.
 Hæc ad certamen vos spes invitet euntes,
 Signifer & Michaël vobis præcedat, agatque
 Cum sociis hæc bella suis, Baptista Joannes,
 Et Patriarcharum chorus arduus, atque Prophetæ.
 Ne trepidate: duces vobis in prælia fient
 Ecclesiæ Petrus cum Paulo tuta columna,
 Necnon Matthæus, Lucas, Marcusque, Joannes,
 Et reliqui vestræ facient solatia pugne,
 Auxiliumque dabit vobis certè Protomartyr
 Cum sociis Stephanus, Silvester cum Nicolao,
 Virgineusque chorus vobis succurret, opemque
 Agmina sancta dabunt, hanc spem retinete fideli.
 Dixerat, & lachrymæ fluxere per ora loquentis
 Ex oculis. Descent quia cernunt agmina flentem,
 Quæ votis pariter promittunt prælia totis.
 Denique castra petunt, cum jam subit equora Titæ.
 Nox abit, auroræ Phœbus de parte refurgit.
 Bellica signa sonant, toto properatque vigore
 Urbis ad introitum Pisani robur, & omnes
 Gothorum populi, vel quos Provincia misit.
 Intus Agareni perstant, valloque supersunt.
 Densa ruinas jacet undique machina moles.
 Pisane bellant acies, adituque resistunt.
 Urbanas inter summis cum viribus pædes
 Hostiles pellunt pugnantem fortiter alas.
 Post pedites equites veniunt, sed durius instant.
 Difficilis congressus equis, reditus nimis asper,
 Cum remeare volunt; miles Balearis ubique
 Cogit ad arma suos, vires adhibet, reficitque.
 Alphæi litem telis gladiisque gerentes,
 Obstantes cohibent collatis viribus hostes.
 Telorum super hos nimbi, lapidesque ruentes
 Adveniunt, vallique terunt in margine ductos.
 Vertere terga parant, retro flectuntur habentem,
 Quas Baleæ faciunt nimium properare vigores.
 Sed Pisana cohors per plurima vulnera lapsa
 In sua castra redit, muri munimina linquens.
 Turres quam citius Baleares inde phalanges
 Letanter plaudendo petunt, & tympana lætis
 Ictibus incipiunt ob gaudia summa ferire,
 In quibus & Furie poterant, Bacchusque notari.
 Tollunt astra diem; non præterit ira, dolorque.
 Ut redit altera lux, certatim mœnia poscunt
 Pisani cunei, quibus hæc sunt iurgia curæ,
 Amplaque dupliciter via fit, testatur, & intus
 Cunctorum parat ire vigor: cum Phœbus agebat
 In sublime suam progressus ab æquore lucem
 Per factos aditus patulam pedes intrat in urbem,
 Inque resistentem turbam non leniter actus.
 Barbaricis cuneis terrorem mortis agebat.
 At equiti nimis arctus erat pro margine trames.
 Invitant pedites equites intrare, reductis
 Qui convertuntur contra tentoria frænis,
 Quos vulnus trepidare facit, seu funus equorum.
 Tunc equitum cernens intrinseca turba pavorem
 A fractis muris collapsa robore cessat.
 Ista Moabitæ cernunt, animisque resumptis,
 Per cunctas veniunt equites peditesque plateas.
 Dat tergum Pisana manus, quæ mœnia dudum
 Invasisse datur, clypeisque extemplo relictis

Tom. VI.

A Diffugiunt plures; remanet Raynerus ibidem
 Qui Male-comitum cognomento vocitatur:
 Quem focii postquam fugientes deseruere,
 Inter Agarenos nudo mucrone cucurrit.
 At quoties fecere locum fugisse valeret,
 Si fuga tuta foret; gladio stetit ille minaci,
 Et quemcunque super violentia concidit hujus,
 Cerbereos rictus, & tartara nigra petivit,
 Vel sine lethali dum vixerit ille dolore
 Non erit; hunc solum iussu petiere Coracis,
 Et circumseptum jaculis fixere cohortes.
 Occubuit postquam sibi vulnera mille fuerunt,
 Exanimique viro post vulnera tanta jacenti
 Ablatum caput est: petiit pia sidera flatus.
 Ira patres populumque tenet, sociosque peremptos,
 Egrotosque simul multa pietate requiruntur.
 Agmina nam postquam latices, non vina bibebant,
 Considerant morbis; mutatio nempe ciborum
 Laxatos ventres in multa pericula traxit.
 Inde manus non parva malis oppressa cadebat
 Innumeris; igitur multi cecidere potentum,
 Qui titulis claris caput in sublime gerebant,
 Et plures, quibus æqua stetit cum funere fama.
 Jamque viam tumuli pariter cum rure tegebant,
 Nobiliumque simul positas in littore capfas
 In reliquisque locis aliquis spectare valebat.
 Inter tot lacrymas natorum sive parentum,
 Tot licet ac tantos ferat inclyta turba dolores,
 Non tamen a pugna cessat, reliquoque labore.
 Decernunt pugnare patres, iterumque resumptis
 Viribus, audaces animant in bella catervas.
 Dumque diem Domini celebraret secula cuncta,
 Bertraminus Mauros petiit per prælia clarus,
 Cujus opes Arelate nitent, & origo parentum
 Nobilibus titulis viget illic clara suorum.
 Hic accinctus erat gladio, fundæque magister
 Hostiles acies lapides jaciendo petivit.
 Atque quod egregios fecisset sæpius actus,
 Utpote qui sese cunctis conflictibus ultro
 Obtulerat, cuneos nihilum, modicumve timebat
 Adversos, hostis, qui muris stabat in altis.
 Sæpe velut volucer, quem gradinis appetit ictus,
 Post frondem foliumque caput velociter abdens
 Projectos lapides vitabat tegmine quoquo.
 Hinc Balearis in hunc testus septemplex tergo
 Intrepidus juvenum quidam properantis ibat.
 Hic igitur clypeum peditis post se venientis
 Accipiens, hostemque sequens in mœnia, sevos
 Provocat ad bellum Mauros de margine valli.
 Tunc Parthus, cui prompta satis mens, prom-
 ptior arcus,
 Atque sagitta fuit, postquam contenderat arcum,
 Transodit fauces; penetravit missile guttur.
 Audacem mors atra virum de nobilitate
 Tollit, quem focii descent, cælique coronant.
 Rore carebat humus Phœbi præstante calore,
 Jam matutinis algoribus attenuatis,
 Cum turmæ dapibus sumptis bacchique liquore
 In Baleæ muros promptis non segniter ibant
 Gressibus, atque tubæ plusquam vicina replebant
 Cantibus, inque suis acies equitum peditumque
 Ordinibus steterant, hastis vexilla micabant.
 Signiferi ducunt acies, at clamor euntes
 Concitat, & patulos invadunt agmina muros.
 Concurrent hostes contra molimine toto,
 Alphæosque petunt, & quam robustius instant:
 Saxa ruunt, & tela pluunt, & spicula ritu
 Grandinis instantes populos utrumque petitos
 Concutiunt prorsus, sternuntque; teruntque, pre-
 muntque.
 Vimineas crates moles lacerare videntur.
 Vulneribusque ruunt alii, moriuntur utrimque
 Multi, conspicitur sanguis persusus ubique.

L

jam

/rei ad. ad sol.

/f. 29.

/f. 40. v. 1. c. v.

que eqz

huic

u

tæ tæ

/f. 42. fides abar. Plat. asur

nt

/f. 30. addens

/f. 40. c.

/f. 40. c. pntior ac

cl

cl

L qst

/f. 40. c.

cl

/f. 42.

utraqz
hostes contragz

n